



Islamska zajednica Bošnjaka u Švedskoj

بِسْمِ اللّٰهِ الرَّحْمٰنِ الرَّحِیْمِ

“Nećete zaslužiti nagradu sve dok ne udijelite dio od onoga što vam je najdraže; a bilo šta vi udijelili, Allah će, sigurno, za to znati.”

Ku'an / Ali Imran / 92.

“Ko se ne brine o muslimanima, i nije od njih.”

Hadis:

0%

Članarina Islamskoj zajednici preko poreza

Sadržaj

1. Historijski prikaz Zajednice i njeno djelovanje	4
2. Članarina i njena opravdanost	5
2.1 Kako to rade drugi?	6
2.2. Druge vjerske zajednice i njihovi podaci vezani za članarinu	6
2.3. Doprinos za groblja (begravnigsavgift)	7
3. Stav Zajednice o članarini	7
3.1. Zašto članarina preko poreza?	7
3.2. Koji procent?	8
4. Tok realizacije projekta	9
4.1. Usvajanje prijedloga na Skupštini/skupštinama	9
4.2. Dobijanje saglasnosti od članova	9
4.3. Podnošenje zahtjeva Vladi	10
5. Članarina i članstvo	10
5.1. Otkad bi važila nova članarina?	10
5.2. Ko je obavezan plaćati članarinu?	10
5.3. Kako bi se ubuduće administrirala članarina i članovi?	10
6. Prava i zaštita članova u vezi članstva	11
6.1 Kako se postaje član?	11
6.2 Koliko dugo važi članstvo?	11
6.3. Istupanje iz članstva	11
6.4. Šta ako naplaćuje članarina greškom (bez pristanka)?	11
7. Obračunavanje članarine	12
7.1 Osnova za obračunavanje članarine	12
7.2 Kojom poreskom stopom bi se oporezivali prihodi?	12
7.3. Koji prihodi ulaze u osnovu za općinski porez i članarinu?	13
7.4. Šta sa onim članovima koji nemaju prihoda koji se oporezuju	13
8. Raspodjela prikupljenih sredstava	13

1. Historijski prikaz Zajednice i njeno djelovanje

Islamska zajednica Bošnjaka u Švedskoj, skraćeno IZBUŠ, u daljem tekstu Zajednica, formirana je 1995. godine kao krovna organizacija, savez lokalnih islamskih zajednica, tj. džemata. U svom sastavu sada ima 26 džemata. Zajednica je prošla faze razvoja kao i svi mi, njeni članovi pojedinačno. Danas je to jedna od najbolje organiziranih islamskih zajednica u Švedskoj. Također se može reći da je to moderna institucija koja je sastavni dio ovog društva. Zbog toga uživa respekt švedskih institucija. Cilj je da svojim radom osigura vjerski, nacionalni i kulturni identitet muslimana iz Bosne i Hercegovine i okoline, pritom gradeći jasan imidž i profil evropskog muslimana.

Djelatnost Zajednice može se definirati kao:

- vjersko-obrazovno-odgojna,
- humanitarna i
- informativna.

Pravci djelovanja mogu se definirati u tri pravca:

- prema džematima, tj. članovima,
- vjerskim, državnim i vandržavnim institucijama u Švedskoj te
- vjerskim i državnim institucijama u Bosni i Hercegovini.

Osim redovnih aktivnosti koje definiraju jednu islamsku zajednicu, Zajednica se dosad bavila vjersko-obrazovno-odgojnim radom usmjerenim prema djeci i omladini, a i prema odraslima. Zajednica je u ovim godinama raznim vidovima predavanja i hutbi imama u Švedskoj, tako i posjetama alima iz Bosne i Hercegovine popunjavala praznine u poznavanju vjere, a i zadovoljavala želje i namjere da se bolje spozna vjera.

Zajednica je također pogodno mjesto za širenje informacija kako vjerskog, tako i društvenog sadržaja, pošto se tu okuplja priličan broj osoba u toku dana, sedmice, mjeseca. Također, ne može se zaobići uloga Zajednice u integraciji. Raznim vidovima saradnje gotovo

svakodnevno realiziraju se kontakti sa različitim institucijama u švedskom društvu. Usmeno i pismeno, članovima se prenose potrebne informacije iz švedskog društva. Tim načinom rada prezentiraju se muslimani iz Bosne i Hercegovine kao dio evropskog socijalno-kulturnog podneblja.

Dosad urađeno postignuto je postojećim kadrovskim i ekonomskim resursima i velikim angažiranjem članova i imama. Specifično je to da većina današnjih članova ima pozadinu odgoja iz Bosne i Hercegovine. Postavlja se pitanje kako Zajednica treba raditi ako želimo da egzistira i u budućnosti kad se struktura članstva mijenja.

2. Članarina i njena opravdanost

Ekonomsku osnovu na kojoj se zasniva rad Zajednice predstavljaju članarina i prilozi članova. Udio države i općine u finansiranju vjerskih institucija je, inače, zanemarljiv u Švedskoj. Članarina je danas stalna (fksna), godišnja, i određuje je Skupština džemata. Članarina se mijenjala i još uvijek je različita, iako je bilo pokušaja da se defnira najniža zajednička članarina.

Zajednica se još uvijek ne može samofnansirati i ostatak sredstava pribavlja se različitim projektima. Cilj je da se u budućnosti dostigne samofnansiranje od članarine.

U narednim godinama naći ćemo se pred novim izazovima koji će zahtijevati novi način rada i organiziranja. Način rada mora se prilagoditi novim generacijama, društvenom okruženju te načinu života. Da bi se Zajednica i u budućnosti mogla baviti djelatnostima koje su navedene, tj. vjersko-obrazovno-odgojnim, humanitarnim i informativnim, te mogla biti spremna suočiti se sa novim izazovima, već danas je potreban i novi pristup.

Zato je neophodan novi način finansiranja koji bi omogućio sigurnost, stabilnost i neovisnost zajednice u budućnosti. S tim

preduslovima može se planirati dugoročan rad i kadrovska politika, koja je jedan od najvažnijih faktora kvalitetnog rada.

2.1. Kako to rade drugi?

Od 2000. godine država je omogućila i drugim vjerskim zajednicama, osim Švedske crkve, da vrše naplatu članarine preko poreza. Za ovakav način naplate neophodna je dozvola Vlade. Dosad je 8 registriranih vjerskih zajednica dobilo dozvolu i prešlo na naplatu članarine preko poreza.

2.2. Druge vjerske zajednice i njihovi podaci vezani za članarinu

Vjerska zajednica (trossanfund)	Visina članarine u 2007. g.	Broj osoba koje su platile članarinu preko poreza u 2007.	Obračun pri- hoda unaprijed za 2007. g.
Švedska crkva: članarina uključujući i doprinos za groblja (begravningsavgift)	Varijabilna članarina (varierar). Prosjek za 2007. god. = 1,205 %	oko 5,5 miliona	13,2 milijardi
Svenska Missionskyrkan	1 %	15.500	34 mil. Kr
Romersk-katolska kyrkan	1 %	60.400	89,3 mil. Kr
Svenska Allians-missionen	1 %	1.700	3,5 mil. Kr
Svenska Baptist-samfundet	1 %	1.300	2,8 mil. Kr
Evangeliska Frikyrkan	1 %	2.900	5,7 mil. Kr
Frälsningsarmén	1 %	1.500	2,5 mil. Kr
Metodistkyrkan i Sverige	1 %	600	1,1 mil. kr.
Pingst - fria församlingar i samverkan	1 %	3.300	6,6 mil. Kr
Ukupno bez Švedske crkve		87.200	oko 146 miliona Kr

2.3. Doprinos za groblja (begravningsavgift)

Doprinos za groblja uzima se radi pokrića tekućih troškova nadležnog organa radi osiguranja pogrebnih mjesta, održavanja grobljâ i još neke druge usluge. Doprinos plaćaju svi stanovnici Švedske iz svojih primanja preko poreza. Prosječan doprinos za groblja u 2007. godini je 0,225 %.

3. Stav Zajednice o članarini

Nabrojane vjerske zajednice stabilne su, sa sigurnom i vjernom bazom članstva koja na ovaj način dokazuje njihovu opredijeljenost i spremnost da izdvajaju procent od primanja za svoju zajednicu. To njihovoj zajednici daje stabilnost i sigurnost u radu.

Islamska zajednica Bošnjaka u Švedskoj također želi krenuti putem stabilnosti i od svojih članova naplaćivati članarinu preko poreza. Dosadašnji broj članova prilično je stabilan iz godine u godinu. Nadamo se da je to vjerna i stabilna baza članstva koja će podržati svoju zajednicu radi svog interesa.

3.1. Zašto članarina preko poreza?

Prirodno je da svaki član Zajednice postavlja pitanja: Zašto mu je Zajednica potrebna, šta traži od nje i kakvu je želi vidjeti u budućnosti?

Sa sredstvima kojima danas raspolaže, Zajednica, uglavnom, nudi najosnovnije vjerske usluge. Čak ni ove aktivnosti ne mogu se finansirati iz vlastitih sredstava, te su džemati prinuđeni dolaziti do sredstava raznim projektima i drugim dotacijama, uz stalnu brigu o opstanku džemata.

Uvođenjem članarine kroz porez, materijalna baza bi se znatno poboljšala.

Iz sadašnjih, često neuslovnih prostorija, preselili bismo u prostore u kojima bi se naši članovi, posebno mladi osjećali puno ljepše.

Unarednoj fazi planirana je kupovina ili gradnja vlastitih prostorija. Želimo li članstvo bez kompleksa, standard našeg džemata ne smije zaostajati za švedskim standardom.

Jačanjem materijalne baze, obezbijedit ćemo uvjete da imamo školovane imame i drugi kadar, koji će se Zajednici moći staviti na raspolaganje u svom punom kapacitetu.

Jaka Zajednica moći će pomagati svojim članovima svih uzrasta u rješavanju njihovih problema, naravno, u skladu sa svojim mogućnostima.

Otvaranjem vlastitih obdaništa, riješio bi se problem mlađih bračnih parova i njihove brige za čuvanje i odgoj djece.

Starijoj djeci obezbijedio bi se poslijepodnevni boravak u prostorijama džemata i pomoć u školskoj nastavi, a omladina bi imala mjesto gdje bi se okupljala.

Lijepom aščinicom obogatili bi alternative svakodnevne ishrane, a posebno uz ramazan, sa mogućnošću narudžbi zajedničkih privatnih iftara.

Konačno, našim najstarijim, kojima je ovdje možda i ponajteže, bilo bi moguće ponuditi starački dom u islamskom ambijentu, uključujući i brigu i pomoć u organizaciji dženaze.

Takvu Zajednicu, koja će stalno biti uz nas i mi uz nju, sigurno ćemo voljeti i biti ponosni na nju.

3.2. Koji procent?

Gledajući praksu drugih vjerskih zajednica koje su već prešle na članarinu preko poreza, Izvršni odbor preporučuje da procent bude 0,7% . Skupština Islamske zajednice Bošnjaka je ta koja će zauzeti konačan stav, a na osnovu mišljenja većine džemata.

4. Tok realizacije projekta

4.1. Usvajanje prijedloga na Skupštini/skupštinama

Skupština Zajednice je organ koji mora usvojiti ovaj prijedlog i usvojiti visinu procenta članarine. Skupštine džemata također moraju dati svoje mišljenje o ovom prijedlogu. To je uslov da bi ovaj proces mogao nastaviti i da se traži pismeno izjašnjavane članova i poduzimaju druge tehničke radnje u toku realizacije, kao npr. pribavljanje odoborenja od Vlade.

Ako skupštine džemata i Skupština Zajednice ne bi usvojile ovaj prijedlog na redovnom zasjedanju, mogu se održati vanredne skupštine u toku jeseni 2008. godine. Izvršni odbor bi nastavio proces i aktivnosti informiranja.

4.2. Dobijanje saglasnosti od članova

Članarina bi se u budućnosti zvala na švedskom jeziku trossamfundsavgift ili avgift till trossamfundet. Da bi se članarina preko poreza mogla naplaćivati od nekog, nephodno je da ta osoba dà svoju saglasnost, pristanak. Postoje dva načina da se saglasnost pribavi:

1. pismenim izjašnjavanjem svakog člana,
2. putem Statuta, što znači da u Statutu postoji obaveza članova da plaćaju članarinu preko poreza.

Sedam od današnjih osam vjerskih zajednica koje naplaćuju članarinu preko poreza tražile su pismeno izjašnjavanje članova, a samo jedna putem statuta (Katolička crkva).

Mi također preporučujemo da se traži pismeno izjašnjavanje članova nakon usvajanja prijedloga na Skupštini.

4.3. Podnošenje zahtjeva Vladi

Ako bi, s Božijom pomoći, bili pozitivni rezultati iz prethodnih tačaka, onda bi u toku jeseni bio podnesen zahtjev Vladi za odobrenje prikupljanja članarine preko poreza.

5. Članarina i članstvo

5.1. Otkad bi važila nova članarina?

Nova članarina bi važila od januara 2009. godine ukoliko bi se ispunili neophodni uslovi, tj. da Skupština/skupštine usvoje prijedlog, da članovi daju svoj pristanak i da Vlada dâ odobrenje.

5.2. Ko je obavezan plaćati članarinu?

Članarina je pojedinačna i obavezni su je plaćati svi punoljetni članovi domaćinstva koji žele biti članovi Zajednice te na taj način koristiti privilegije članstva. Maloljetna djeca jednog člana besplatno su članovi Zajednice.

5.3. Kako bi se ubuduće administrirala članarina i članovi?

Svi članovi i prikupljena članarina administrirali bi se centralno. Osobe koje bi u Zajednici administrirale članove morale bi po švedskom zakonu potpisati izjavu o čuvanju tajni (tystnadsplik) i bili bi odgovorni pred zakonom. Svi podaci o članovima koje bi Zajednica dobila smatraju se tajnim (sekretessbelagda).

6. Prava i zaštita članova u vezi članstva

6.1. Kako se postaje član?

Članstvo je dobrovoljno i član se postaje ispunjavanjem zahtjeva/pristupnice za članstvo.

6.2. Koliko dugo važi članstvo?

Ko dobrovoljno pristane biti član i plaća članarinu, onda to važi za cijelu godinu i ne može prestati u toku tekuće godine. Saglasnost se ne bi tražila za svaku narednu godinu. To znači, onaj ko pristane plaćati članarinu preko poreza i ne podnese zahtjev za istupanje iz članstva, automatski nastavlja plaćati članarinu i sljedeće godine.

6.3. Istupanje iz članstva

Član koji ne želi biti član sljedeće godine, obavezan je podnijeti pismeni zahtjev Zajednici za istupanje iz članstva, i to prije 1. decembra tekuće godine.

6.4. Šta ako se naplaćuje članarina greškom (bez pristanka)?

Ako neko ustanovi da mu se članarina uzima bez pristanka, prvo će se obratiti Zajednici da se prekontrolira raport o članovima koji je poslan poreskoj upravi. Ako se ustanovi greška u slanju podataka, onda bi Zajednica poslala nove podatke, plaćanje bi se obustavilo i vratila već naplaćena sredstva. Ako bi se ova ispravka uradila poslije završenog oporezivanja (slutlig skatt), onda bi se ispravka napravila u novom obračunavanju poreza (omprövning).

U slučaju da nastane konflikt između Zajednice i pojedinca o ispravnosti ili neispravnosti u naplaćivanju članarine, onda bi se pojedinac pismeno obratio poreskoj upravi, koja bi potom stupila u kontakt sa Zajednicom.

U svakom slučaju, interes pojedinca štiti se švedskim zakonom i Zakonom o oporezivanju.

7. Obračunavanje članarine

7.1 Osnova za obračunavanje članarine

Osnova za članarinu je osnova prihoda koji se oporezuje općinskim porezom.

To je bruto prihod umanjen za grundavdrag.

Članarina se smatra porezom, što znači da ulazi u preliminarni i završni porez (slutlig skatt) i uzima se za jednu godinu. Poreska uprava (Skatteverket) bi unaprijed (preliminarno) slala Zajednici članarinu u toku godine, a konačna isplata regulira se na kraju godine, odnosno kad se završi oporezivanje. Na početku decembra svake godine Zajednica bi elektronski (datafil) slala spisak članova poreskoj upravi. Spisak članova koji se šalje na poresku upravu sadrži matične brojeve (personnummer) članova koji će u narednoj godini plaćati članarinu.

7.2. Kojom poreskom stopom bi se oporezivali prihodi?

Prihodi se oporezuju poreskom stopom koja važi za općinski porez i na tu stopu bi se dodao procent koji bi se usvojio za članarinu.

7.3. Koji prihodi ulaze u osnovu za općinski porez i članarinu?

Prihodi koji ulaze u osnovu za oporezivanje za općinski porez i koji bi ulazili u osnovu za plaćanje članarine su:

- prihodi od zaposlenja do nivoa oporezivanja za općinski porez,
- prihodi od privatne djelatnosti do nivoa općinskog poreza,
- redovna penzija (starosna, prijevremena),
- narodna penzija (folkpension),
- primanja od bolovanja, A-kassa, sjukersättning

7.4. Šta sa onim članovima koji nemaju prihoda koji se oporezuju?

Oni članovi koji nemaju prihoda koji se oporezuju, tj. žive od socijalne pomoći, i dalje bi plaćali članarinu kao i dosad. Isto bi važilo za studente koji nemaju drugih prihoda.

8. Raspodjela prikupljenih sredstava

Članarina bi se skupljala centralno. Prikupljena sredstva bi se vraćala džematima poslije pokriva neophodnih troškova administriranja i troškova poreske uprave. Također, Skupština može donijeti odluku o formiranju odgovarajućih fondova itd.

Spisak džemata Islamske zajednice Bošnjaka u Švedskoj

1. Borås
2. Enköping
3. Gislaved
4. Göteborg
5. Halmstad
6. Helsingborg
7. Jönköping
8. Kalmar
9. Karlskoga
10. Karlstad
11. Landskrona
12. Linköping
13. Malmö
14. Motala
15. Norrköping
16. Oskarshamn
17. Skövde
18. Stockholm
19. Surte
20. Trelleborg
21. Trollhättan
22. Varberg
23. Vetlanda
24. Värnamo
25. Växjö
26. Örebro



Islamska zajednica Bošnjaka u Švedskoj - IZBUŠ
Bosniakiska Islamiska Samfundet – BIS

ANKETNI LISTIĆ

Ime i prezime: _____

Adresa: _____

Status: ZAPOSLEN NEZAPOSLEN SOC. POMOĆ PENZIONER STUDENT

Telefon: _____

E-mail: _____

Molimo Vas da odgovorite na slijedeće pitanje:

Podržavate li prijedlog da se članarina Islamskoj zajednici plaća preko poreza, 0,7 % od bruto ličnog dohotka?

Odgovor:

DA

NE

Vaš odgovor možete dostaviti na adresu našeg Sekretarijata u Jönköpingu, ili predati u Vaš džemat, najkasnije do 10.06.2008.

Datum:

Potpis:

BIS
Barnarpsgatan 39 G
553 33 JÖNKÖPING

Tel/fax: +46(0)36-16 38 38
Mobil: +46(0)73-667 02 97
Internet: www.izb.se

Postgiro: 54 44 14-6
Org. nr: 846500-3591
E-mail: kontakt@izb.se